

40. **Scaphosepalum Endresianum** Kränzl., n. sp. — Caespites ut videtur parvi, radices longissimae. Caules subnulli, vix 8 ad 9 mm longi, cataphyllis brevibus tunicati. Folia e petiolo longiusculo, sulcato, 2,5 ad 3 cm longo sensim in laminam oblongo-lanceolatam, minute triapiculatam, ad 7 cm longam, 2 ad 2,5 cm latam dilatata. Scapi tenuissimi, penduli, vaginulis compluribus, brevibus vestiti, ad 6 cm longi, pauci (ad 6—7-) flori, floribus succedaneis, valde congestis, bractee ovatae, acutae, vaginantes, pedicellos aequantes, 2 mm longae, ovaria 6-costata. Cupula sepalorum subnulla, sepalum dorsale concavum, ovatum, longe acuminatum vel breviter caudatum cum acumine quasi abscisso, obtuso, 7 mm longum, basi 4 mm latum, sepala lateralia longe connata, in apices 2 divergentes, acutos exeuntia, quasi cucullum efficientia, 8 mm longa et basi lata. Petala ovata, acuminata, subobliqua, 4 mm longa, basi 2 mm lata. Labellum toto ambitu ovatum, obscure trilobum, lobi laterales semioblongi, rotundati, lobus intermedius vel anticus, late oblongus, minutissime denticulatus, carinulae 2 breves medio in disco, 4 mm longus. Gynostemium valde curvatum, superne late maritum. Flores lutei, purpureo-striati, petala et labellum lutea, labelli discus purpureus. — Fl. Decembri.

Costa Rica. Ohne genaueren Standort (Endres!).

Ähnelt *Sc. punctatum* Rolfe, aber durch das Labellum und die viel kleineren Blüten verschieden.